

[Leger la newsletter en il browser](#)



Kanton Graubünden
Chantun Grischun
Cantone dei Grigioni

CPDR 05

Convenziun davart ils dretgs dals umans cun impediments
en il chantun Grischun



Allegra, Grüezi, Ciao

Il rapport davart la realisaziun da la Convenziun da l'ONU davart ils dretgs dals umans cun impediments en il chantun Grischun è publitgà. Sin basa da quest rapport ha la Regenza concludì diversas mesiras. La mesira la pli impurtanta è quella da stgaffir il Post specialisà e da coordinaziun per l'egualitad ed ils dretgs da las persunas cun impediments. Quai è in pass impurtant vers l'egualitad da las persunas cun impediments. En ils World Cafés a chaschun da l'inventarisaziun autorepreschentantas ed autorepreschentants exprimì il giavisch d'in tal post. Il post specialisà ademplescha pia in basegn da las persunas cun impediments.

Salids amicabels

Susanna Gadiant
Manadra da l'Uffizi dal servetsch
social dal Grischun

Daniel Kistler
Manader da l'Integraziun da persunas
cun impediments
Uffizi dal servetsch social dal Grischun

- La newsletter è scritta per gronda part en lingua simpla. Ella cuntegna curtas resumaziuns en lingua facilta.

- Ina remartga per las personas cun impediments da vesida: La lingua facila dovra segns speziels. Perquai na pon screenreaders eventualmain betg preleger correctamain las passaschas dal text «Resumà en lingua facila».



«L'installaziun dal Post spezialisà e da coordinaziun per l'egualitad e per ils dretgs da las personas cun impediments accentuescha noss engaschi per ina societad inclusiva.»

Cusseglia governativ Marcus Caduff

Rapport davart la realisaziun da la Convenziun da l'ONU davart ils dretgs dals umans cun impediments

Survista



Bunas notas per il chantun Grischun

Areguard la realisaziun da la Convenziun davart ils dretgs da las personas cun impediments mussa l'inventarisaziun, ch'il chantun Grischun è posiziunà sin in plaz sur la media en cumparegliaziun cun auters chantuns. Las fermezzas èn las differentas purschidas d'abitar e da lavurar, la scola integrativa ed ils secturs dal sport e da la cultura. En il futur vegnan ils secturs cun in basegn d'agir a vegnir promovids tras differentas mesiras.

Nov Post spezialisà e da coordinaziun per l'egualitad e per ils dretgs da las personas cun impediments

Il chantun Grischun installescha in Post spezialisà e da coordinaziun per l'egualitad e per ils dretgs da las personas cun impediments. Questa mesira è in pass decisiv

vers ina consideraziun pli intensiva dals giavischs da las personas cun impediments. Il post spezialisà vegn occupà a partir da l'onn 2025.

L'incumbensa dal post spezialisà è quella da far avanzar e da realisar las recumandaziuns da l'inventarisaziun. Plinavant promova el l'infurmaziun e la sensibilisaziun da la societad per ils giavischs da las personas cun impediments.

> [Communicaziun a las medias](#)

> [Rapport](#)



Resumà en lingua facila

Il rapport davart la realisaziun da la Convenziun da l'ONU davart ils dretgs dals umans cun impediments en il chantun Grischun è scrit.


La Regenza ha concludì mesiras.

Da nov datti in spezialist per l'egualitad e per ils dretgs da las personas cun impediments.

Quest spezialist cumenza l'onn 2025.

Planisaziun da la purschida 2024 - 2027

Rinforz da la libra tscherna e da l'indipendenza



La planisaziun chantunala da las purschidas per personas cun impediments fin l'onn 2027 è terminada. Ella cumpiglia purschidas en secturs protegids per abitar e per lavurar en lavuratori. Il Grischun promova ultra da quai vinavant purschidas a

favur da l'indipendenza e da l'integraziun da las persunas cun impediments en la societad.

Accumpagnament d'abitar e plazzas da lavur integrativas

L'accumpagnament d'abitar promova dapi l'onn 2012 cun success l'indipendenza da las persunas cun impediments e conceda ad ellas la libra tscherna d'abitar. Il program vegn extendì ulteriuramain. Plinavant duain las plazzas da lavur integrativas en l'emprim martgà da lavur vegnir promovidas anc pli fitg.

- > [Accumpagnament d'abitar](#)
- > [Plazzas da lavur integrativas](#)



Resumà en lingua facila

Las purschidas dal chantun per las persunas cun impediments èn planisadas.

I duai dar dapli purschidas per l'accumpagnament da l'abitar independent.

Quai sa cloma accumpagnament d'abitar.

I duai dar dapli plazzas da lavur integrativas ordaifer ils lavuratoris protegids.

Plazzas da lavur integrativas èn plazzas da lavur da l'emprim martgà da lavur.

Dis d'acziun per ils dretgs da las persunas cun impediments 2024

Engaschi legraivel



ZUKUNFT INKLUSION AVENIR INCLUSIF FUTURO INCLUSIVO FUTUR INCLUSIUN

En il chantun Grischun èn gia planisadas 30 acziuns. Nus ans legrain dal grond engaschi d'instituziuns, d'organisaziuns e d'interpresas. Ils dis d'acziun nazionals han lieu dals 15 da matg 2024 fin ils 15 da zercladur 2024.

> [Futur inclusiu](#)



Resumà en lingua facila

Ils Dis d'acziun per ils dretgs da las personas cun impediments han lieu dals 15 da matg fin ils 15 da zercladur 2024.

En il Grischun èn previsas pli che 30 acziuns

Uffizi dal servetsch social dal Grischun | CPDR 05 | 22.02.2024

Contact: behindertenintegration@soa.gr.ch

[Impressum](#)

[Annunziar per la newsletter](#) | [Visar la newsletter](#)